



Briavan vodar Komisardja von 09 prachant 2021

<i>Briaf nummar</i>	<i>Ma redet vo:</i>	<i>'Z izta khent auzgemacht</i>
24	Maz pitt groaza aile vor di schütz vorz geèzza in di provìntz vo Tria – khearn auzomacha bia zo nütza 'z gèlt boda iz zuargètt in Toalkamou – bonus alimentare 2021 – viarte fase.	1. Åzonemma di naüing kritèrie zo giana vürsnen pinn schütz vor 'z geèzza, auzgezalt pinn gèlt zuargètt in Toalkamou pittar delibera vodar provintziàl Djunta n. 2104 von 14 kristmånat 2020. Dise kritèrie khemmen ågenump pinn zil zo macha vor alle gelaich un zo haba an bege sèlbart sèmm boda khint zuargètt in toalkamou zo maga zornìrn biz zo tüana; 2. Zuarzogeba di hilfe BOA – Bonus Alimentare – viarte fase - in famildje boda inngem in vorsch nã in sèll boda auzmacht dar mustar gekhluppet disan dekrèt boda iz in gântzan toal von Dekrèt un boda innvüart di bèkslom boda soìn khent auzgemacht von khnopf von sotziàl Dianst un boda ågian daz sèll boda gebinnen di famildje affon månat un vürlegante abezoroata von gebinn vodar famildja daz sèll boda khint gezalt vor in zis vorz haus boda lebet di famildja odar di rata von mutuo hèrta vorz haus boda khint gelebet; 3. Åzoheva auzonemma di vorsch von 14 von prachant 2021vort un zo halta kunt von gèlt boda di famildja hatt in lest tage von månat pellar in sèll boda khint inngètt dar vorsch un in gântzan bazta iz

khent gebunnt hërta in mǎnat pellar baz dar sèll boda khint inngèt dar vorsch;

4. Zo khöda, vor allz daz sèll boda khint khött in vorbort, ke di vorsch bartn khemmen ågenump sin azta iz verte 'z gèlt sa zuargèt, khödante ke 'z mage soin azta khemmen zuargèt hilfan in emtar von draite sektor o, ditza haltante kunt vo bia 'z gianda di vorsch inngèt vor di hilfe boma redet in disan provedimént;
5. Zo khöda ke di hilfe bart mang soin daz mearste vonan mǎnatgehalt vor aniaglan mǎnat vorsch un khemm auzgezalt azpe in di tabéla da untar:

<i>Nr. laüt</i>	<i>Gèlt zuargèt</i>
<i>1</i>	<i>Euro 150,00</i>
<i>2</i>	<i>Euro 250,00</i>
<i>3</i>	<i>Euro 350,00</i>
<i>4 odar > 4</i>	<i>Euro 500,00</i>

6. Zo khöda ke berda sa hatt gehatt zuargèt in Bonus Alimentare mage bidar inngem in vorsch nǎ in sèll boda auzmacht disar dekrèt;
7. Zo lazza az saibe dar sotziål Dianst zo reda pinn laüt boda hǎm inngèt in vorsch zo vorstiana pezzar bia un baz un åzonemma alle di briavan boda soin mengl zo maga auzzaln in schütz haltante kunt vo allz daz sèll boda mage soin guat zo helva zo vorstiana pezzar;
8. Zo lazza az saibe berda drauschauged addon sotziål Dianst vürzovüara alle di sachandar boda soin mengl zo tüana bazta auzmacht disar provedimént;